



D^a. YOLANDA AGUIAR CASTRO, CONCELLEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na **sesión ordinaria do 30 de abril de 2020**, adoptou o seguinte acordo:

14.- PROGRAMA “VIGO A FAVOR DA IGUALDADE SOCIAL E DIXITAL”.EXPTE. 9611/113.

A Xunta de Goberno Local, co quorum regulamentario, acorda declara-la urxencia do asunto de referencia por estar fóra da orde do día, de conformidade coa xustificación que consta no expediente aportada polo servizo correspondente.

Dáse conta do informe-proposta de data 30/04/2020, asinado polo xefe do servizo de Administración electrónica, a xefa do servizo Educación, a xefa do servizo Participación Cidadá, o xefe de Área de Benestar Social, o concelleiro-delegado de Área de Educación e Xuventude, a concelleira-delegada de Área de Política de Benestar Social, o concelleiro-delegado de Cultura, Emprego e Participación Cidadá, e a concelleira-delegada de Contratación, Patrimonio e Xestión Municipal, que di o seguinte:

ANTECEDENTES

A actual crise sanitaria provocada pola pandemia do COVID-19 xunto coa suspensión da actividade presencial no eido escolar puxo de relevo a repercusión da brecha dixital en entornos desfavorecidos.

Neste contexto, mediante a Resolución da Alcaldía de 27 de abril de 2020, de adopción do paquete de medidas para paliar o Covid-19 número 22, instouse a posta en marcha dunha actuación conxunta das Concellarías con competencias delegadas nas materias de Administración Electrónica, Benestar Social, Educación e Participación Cidadá, baixo a coordinación da Concellaría delegada de Xestión municipal co fin de mellorar o acceso ás Tecnoloxías da Información e Comunicación, prioritariamente destinada á nenas e nenos de familias sen recursos; reducir a desigualdade dixital e ofrecerlle apoio educativo, tratando de paliar así, os efectos da crise sanitaria provocada polo COVID-19 na poboación escolar viguesa.

PROPOSTA DO PROGRAMA “VIGO A FAVOR DA IGUALDADE SOCIAL E DIXITAL”

Esta actuación **consiste** na recollida de equipamento informático das persoas e entidades que voluntariamente decidan unirse a esta iniciativa, a fin de que unha vez que sexan tratados para garantir a súa viabilidade e asegurar a eliminación de datos persoais, poidan ser distribuídos para a súa reutilización entre a poboación en idade escolar máis vulnerable, preferentemente primaria e infantil.

Os **obxectivos** que persegue este proxecto consisten fundamentalmente en:

1. Achegar os medios TIC aos sectores da poboación escolarizada máis vulnerable a fin de reducir a desigualdade dixital no ámbito escolar.



Copia do documento - Concello de Vigo	Data impresión: 08/05/2020 10:00	Páxina 1 de 5
Expediente 9166/113	CSV: 25E8E2-4HC584-DF25AH-4VNGQN-XRD86M-H1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

2. Achegar solucións tecnolóxicas que melloren a vida das persoas a través das TIC.
3. Acadar a participación de empresas e entidades sociais para a xeración de valor social.
4. Dotar dunha segunda vida útil a equipos informáticos fomentando a súa reutilización e mellorando así a protección ambiental.

Esta actuación organizarase mediante o desenvolvemento das seguintes **accións**:

1. Detección de necesidades polas Concellarías con competencias delegadas en materia de Educación e de Benestar Social.

2. Recollida de equipos a través do servizo de voluntariado. Os equipos non deben conter datos de carácter persoal aloxado en ningún dos seus elementos, e serán recollidos previa identificación e suscripción de declaración responsable, referenciada como Anexo I.

3. Preparación dos equipos a través de entidades colaboradoras e baixo a supervisión de Administración electrónica.

- Limpeza e desinfección física do equipo.
- Avaliación. En caso de que non sexa recuperable, será depositado no punto autorizado de recollida de residuos.
- Reparación do equipo se fosen avarías de pequena entidade.
- Limpeza e formato de datos, para evitar o traspaso de datos persoais a terceiros.
- Instalación e equipamento con Software Libre, ou mantemento nos termos legais.

4. Selección e priorización por parte do Servizo de Benestar Social das persoas destinatarias dos equipos preparados.

5. Entrega de equipos a través do servizo de voluntariado pola orde comunicada polo servizo de Benestar social.

No momento da entrega a persoa legalmente responsable da nena ou neno beneficiarios do proxecto, asinará o compromiso de repectar o destino do equipo entregado ao uso escolar, e de remitilo ao punto limpo municipal ao fin da súa vida útil. Para os efectos de evitar disfuncións con outras actuacións ou iniciativas relativas á dotación de medios de ensino dixital, deberán tamén declarar que non dispoñen de equipos. Aos efectos precedentes, suscribírase a correspondente declaración responsable referenciada como anexo II.

6. Naqueles supostos en que resulta indispensable para o seguimento do curso escolar unha conexión a internet poderá dotarse á unidade familiar de un router 4G e dos servizos de internet polos períodos en que estea suspendida a actividade presencial escolar ou resulte xustificada esa necesidade, previa valoración dos servizos sociais ou educativos e logo da tramitación do expediente que proceda.

O programa terá unha **duración** inicial de 6 meses, puidendo ser obxecto de ampliación por resolución da Concellería delegada de Contratación, Patrimonio e Xestión municipal.



Copia do documento - Concello de Vigo

Data impresión: 08/05/2020 10:00

Páxina 2 de 5

Expediente 9166/113

CSV: 25E8E2-4HC584-DF25AH-4VNGQN-XRD86M-H1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>



En relación cos **gastos** que pode comportar a execución deste programa, déixase constancia de que as actuacións inicialmente previstas (detección de necesidades, recogida, reparación, preparación e instalación de software, entrega de equipos, etc.) executaranse con medios propios municipais coa concorrencia da colaboración voluntaria de persoas e entidades colaboradoras diversas que achegan medios materiais e humanos. No caso de que, con posterioridade, como consecuencia do desenvolvemento do programa, se detecten novas necesidades e sexan precisas actuacións mediante o recurso a servizos ou medios que comporten algún gasto, tramitarase o oportuno expediente que se someterá á fiscalización da Intervención municipal nos termos que legalmente proceda, de ser o caso.

Anexo I
Modelo de Declaración de persoas/entidades participantes que achegan equipos

Dna/D -----, con D.N.I. ----- no seu propio nome /en representación da entidade ----- con NIF ----- (segundo consta en documento que achega), declara baixo a súa responsabilidade que:

- 1º. Desexa participar no programa “Vigo a favor da igualdade social e dixital” aceptando integralmente os seus termos e condicións.
- 2º. Exclusivamente aos fins previstos no programa “Vigo a favor da Igualdade Social e Dixital”, achega os seguintes equipos informáticos dos que declara ser persoa propietaria e que se identifican polas seguintes características:
 Marca -----e S/N (números de serie)-----
- 3º. O valor residual dos equipos achegados ao programa antes descrito é cero, pero os equipos continúan funcionando e seguen sendo productivos.
- 4º. Foron eliminados todos os datos persoais de todos os seus elementos integrantes.
- 5º. Os equipos serán recollidos nos domicilios das empresas ou das persoas participantes
- 6º. Queda informada de que en caso de que o equipo non reúna as condicións precisas para a súa reutilización, o Concello de Vigo procederá á súa reciclaxe consonte á normativa vixente.
- 7º. Declara expresamente á súa renuncia á recuperación dos equipos achegados ao programa.



Copia do documento - Concello de Vigo	Data impresión: 08/05/2020 10:00	Páxina 3 de 5
Expediente 9166/113	CSV: 25E8E2-4HC584-DF25AH-4VNGQN-XRD86M-H1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

Anexo II

Modelo de declaración de recepción e compromiso das persoas responsables legais das nenas e nenos beneficiarios do programa.

Dna/D -----, con D.N.I. ----- representante legal de (identidade da nena/veno -----), declara baixo a súa responsabilidade que:

1º. Que carece de equipos TIC que permitan desenvolver as tarefas escolares, comprometéndo-se a comunicar ao Concello calquera entrega ou beneficio para a mesma finalidade como consecuencia do desenvolvemento doutros programas ou iniciativas por parte doutras entidades ou Administracións.

2º. Como beneficiaria do programa "Vigo a favor da igualdade social e dixital" aceptando integramente os seus termos e condicións recibiu o equipo informático na data de sinatura.

3º. Expresa o seu compromiso de respectar o destino do equipo informático ás necesidades educativas do menor ao seu cargo.

4º. Tamén se compromete a remitilo ao punto limpo municipal ao fin da súa vida útil.

CONSIDERACIÓNS XURÍDICAS

O Concello conta con competencias nas materias afectadas en virtude dos apartados e), n) e ñ) do art. 25.2 e art. 26.1 da Lei 7/1985, do 2 de abril.

Corresponde a aprobación de plans e proxectos á Xunta de Goberno local en virtude da delegación de competencias da Alcaldía na Xunta de Goberno local do 18 de xuño de 2019.

Concorren neste caso as circunstancias de excepción á suspensión dos procedementos establecidos pola D. Ad. 3ª, apdo. 4, do RD.463/2020, do 14 de marzo, polo que se declara o estado de alarma para a xestión da situación de crise sanitaria ocasionada polo COVID-19 na súa redacción vixente, posto que o obxecto deste expediente consiste precisamente en facilitar o acceso igualitario dos nenos e nenas da cidade de Vigo aos medios de ensino dixital ante a necesidade de empregar medios TIC como consecuencia das medidas adoptadas fronte á pandemia, de suspensión da actividade presencial nos centros educativos.

O programa deberá ser obxecto de publicidade activa, consonte á Lei 19/2013, do 9 de decembro, de Transparencia, Acceso á información Pública e Bo goberno.

En virtude do exposto e, en cumprimento da Resolución da Alcaldía do 27 de abril de 2020, elévase á Xunta do Goberno local a seguinte,

PROPOSTA DE ACORDO

Primeiro. Acordar, ó abeiro do previsto na Disp. Adic. 3ª, Apdo. 4, do RD.463/2020, do 14 de marzo, polo que se declara o estado de alarma para a xestión da situación de crise sanitaria ocasionada polo COVID-19 na súa redacción vixente, a continuación do procedemento incoado para a



Copia do documento - Concello de Vigo

Data impresión: 08/05/2020 10:00

Páxina 4 de 5

Expediente 9166/113

CSV: 25E8E2-4HC584-DF25AH-4VNGQN-XRD86M-H1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>



aprobación do “PROGRAMA VIGO A FAVOR DA IGUALDADE SOCIAL E DIXITAL”, por consideralo incluído nos supostos exceptuados da suspensión de trámites e interrupción de prazos de tramitación pola súa estreita vinculación cos feitos xustificativos do estado de alarma, a protección do interese xeral e o funcionamento básico dos servizos sociais.

Segundo. Aprobar o PROGRAMA “VIGO A FAVOR DA IGUALDADE SOCIAL E DIXITAL” nos termos expostos xunto coas declaracións anexas (anexos I e II).

Terceiro. Encomendar a execución do programa ás Concellarías das Áreas de:

- Educación e Xuventude,
- Política de Benestar Social e Cíes Patrimonio da Humanidade,
- Cultura, Emprego e Participación Cidadá,
- Contratación, Patrimonio e Xestión municipal, que coordinará o desenvolvemento do programa.

Cuarto. Dar conta do presente acordo ás Concellarías implicadas, ao Comité de Seguimento COVID-19, e publicar o Programa no portal de transparencia municipal onde incluírán un panel coas aquelas entidades colaboradoras.

Acordo

A Xunta de Goberno local aproba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

CCA/me.

V. e Pr.

O ALCALDE,
Abel Caballero Álvarez.

